



KENYATAAN MEDIA

PERINGATAN UNTUK MEMATUHI PERUNTUKAN UNDANG-UNDANG SEPANJANG TEMPOH PILIHAN RAYA UMUM KE-14

Sempena Pilihan Raya Umum Ke-14 yang akan diadakan pada 9 Mei 2018 akan datang, Jabatan Peguam Negara ingin mengingatkan semua pihak termasuklah bakal calon pilihan raya dan penyokong parti politik masing-masing untuk sentiasa menghormati dan mematuhi undang-undang yang sedang berkuat kuasa.

Dalam keghairahan berkempen dan menyokong calon pilihan raya masing-masing, semua pihak disarankan untuk sentiasa memastikan apa-apa tindakan yang diambil tidak melangkaui batas undang-undang yang ditetapkan khususnya peruntukan-peruntukan di bawah Kanun Keseksaan, Akta Kesalahan Pilihan Raya 1954 [*Akta 5*], Akta Hasutan 1948 [*Akta 15*], Akta Mesin Cetak dan Penerbitan 1984 [*Akta 301*], Akta Kesalahan Kecil 1955 [*Akta 336*], Akta Komunikasi Dan Multimedia 1998 [*Akta 588*], Akta Antiberita Tidak Benar 2018 [*Akta 803*] dan lain-lain.

Jabatan ini tidak akan berkompromi dan akan mengambil tindakan yang tegas terhadap sebarang perbuatan yang melanggar mana-mana peruntukan undang-undang, demi memastikan Pilihan Raya Umum ke-14 dapat dilaksanakan dalam keadaan aman dan tenteram.

TAN SRI DATO' SRI HAJI MOHAMED APANDI BIN ALI
PEGUAM NEGARA MALAYSIA

27 APRIL 2018